





LANDSSAMBAND HESTAMANNAFÉLAGA

Reglugerð um Íslandsmót





REGLUGERÐ UM ÍSLANDSMÓT

1. Ákvörðun um staðsetningu og dagsetningu

Stjórn LH ákveður hvar Íslandsmót í hestaíþróttum skuli haldið hverju sinni. Umsókn um Íslandsmót skal berast til keppnisnefndar fyrir 1. október á árinu fyrir mót. Keppnisnefnd tekur umsóknir til umfjöllunar og leggur til við stjórn hvar Íslandsmót skuli haldið. Ef engar umsóknir berast hefur stjórn vald til að ganga til samninga við þá mótshaldara sem stjórn kys að semja við. Stjórn LH og mótshaldari skulu undirrita samning um Íslandsmót fyrir 1. desember á árinu fyrir mótið.

Dagsetning Íslandsmóta er ákveðin með hliðsjón af landsmóti og heimsmeistaramótum hverju sinni. Halda skal Íslandsmót fullorðinna og ungmenna annars vegar og barna og unglinga hins vegar í sitt hvoru lagi. Íslandsmót fullorðinna og ungmenna skal vera WorldRanking.

2. Keppnisgreinar

Á Íslandsmóti fullorðinna skal keppt í einum styrkleikaflokki. Keppt skal í greinum þar sem keppendur eru einir inni á vellinum í einu, V1, F1, T1, T2 sem og skeiðgreinum, PP1, P1, P3, P2. Farnir skulu 4 sprettir í 250m og 150m skeiði. Í ungmennaflokki skal keppa í sömu greinum og í fullorðinsflokki auk gæðingalist. Heimilt er að bjóða upp á fleiri greinar, kjósi mótshaldarar svo, sem og sýningagreinar. Í sýningargreinum skal ekki krýna Íslandsmeistara.

Á Íslandsmóti barna og unglinga skal keppt í keppnisgreinum þeim sem skilgreindar eru í hverjum aldursflokki. Heimilt er að fella niður keppnisgrein náist ekki lágmarks þátttaka til verðlauna.

Börn keppi í V2, T3, T4, gæðingalist.

Unglingar keppi í V1, T1, F2, T4, gæðingalist og skeiðgreinum sem skilgreindar eru.

Heimilt er að bjóða upp á fleiri greinar, kjósi mótshaldarar svo, sem og sýningagreinar. Í sýningargreinum skal ekki krýna Íslandsmeistara.

3. Þátttökuréttur á Íslandsmóti

Keppnisárangur skal nást á sama ári og Íslandsmót er haldið. Keppnisárangur er gildur frá löglegum mótum, staðfestur í mótaskýrslu, og skal árangur keppnispars miðast við annan mánudag áður en keppni hefst á Íslandsmóti.

Meistaraflokkur fullorðins – lágmarkseinkunn í öllum greinum sem keppnisnefnd LH ákveður

Ungmennaflokkur – lágmarkseinkunn í öllum greinum sem keppnisnefnd LH ákveður


Unglingaflokkur – öllum opinn

Barnaflokkur – öllum opinn

Þeir sem ætla að keppa um samanlagðan sigurvegara þurfa að vera með skráðan árangur í þeim greinum sem gilda til samanlagðra greina og hafa náð lágmarkseinkunn sem Keppnisnefnd LH ákveður í a.m.k einni grein.

4. Auglýsing og skráningar

Íslandsmót skal auglýsa fyrir 1. maí ár hvert. Það aðildarfélag sem heldur Íslandsmót hverju sinni skal sjá um skráningu og innheimtu skráningargjalda keppenda af öllu landinu. Skráningu skal ljúka 6 dögum áður en mót hefst. 5 dögum áður en mót hefst skulu allar skráningar staðfestar. 3 dögum áður en mót hefst skal birta dagskrá og ráslista



REGLUGERÐ UM ÍSLANDSMÓT

5. Framkvæmdanefnd og yfirdómnefnd

Mótshaldari skal skipa framkvæmdanefnd sama ár og mótið er haldið. LH skipar einn mann í framkvæmdanefnd og skal sá einstaklingur vera fjölmiðlafulltrúi nefndarinnar. Framkvæmdanefndin ákveður skráningagjöld, annast auglýsingar móts, móttöku þátttökutilkynninga, ber ábyrgð á að nægjanlega margt starfsfólk sé til staðar og sér um annan undirbúning. Framkvæmdanefnd skipar eftirfarandi embættismenn mótsins:

- **Framkvæmdastjóra.**

Hann skal skipaður um leið og framkvæmdanefnd og starfa með henni að undirbúningi mótsins. Hann ber ásamt framkvæmdanefnd ábyrgð á að undirbúningur og aðstaða öll sé tilbúin nægjanlega tímanlega fyrir mót, þannig að keppendur geti æft sig á mótssvæðinu a.m.k. sjö dögum fyrir upphaf móts.

- **Fjölmiðlafulltrúa.**

Hann skal skipaður um leið og framkvæmdanefnd og vinni með henni. Hann ber ábyrgð á fjölmiðlatengslum og sér um að koma mótinu á framfæri við fjölmiðla, sér einnig um að styrktaraðilar mótsins séu sýnilegir í auglýsingum og önnur mál sem tengjast því. Mótshaldari skal tilnefna einn tengilið sem starfar með fjölmiðlafulltrúa.

- **Mótsstjóra.**

Hann skal skipaður minnst tveimur mánuðum fyrir upphaf móts. Hann ber ábyrgð á að mótið fari fram eftir auglýstri dagskrá og gangi snurðulaust fyrir sig. Mótsstjóri skal, í samráði við framkvæmdanefnd, bera ábyrgð á að ritarar og dómgögn séu til staðar við upphaf móts.

- **Vallarstjóra.**

Hann annast verkstjórn á meðan á móti stendur og hefur umsjón með framkvæmd dagskrár í samráði við mótsstjóra.

- **Þuli.**

Þeir kynna dagskráratriði og kappkosta að mótshald gangi greiðlega fyrir sig.

- **Fóta- og reiðtyggjaskoðunarmenn starfa í umboði dómara.**

Yfirdómnefnd er skipuð 5 einstaklingum (sjá grein 4.1. í reglugerð um úrskurðarnefndir og dómstól ÍSí)

- yfirdómara eða meðlim dómarastarfsliðs, áður tilnefndur af honum
- mótsstjóra eða fulltrúa hans, áður tilnefndur af honum
- meðlimi framkvæmdanefndar
- formanni keppnisnefndar LH eða annars fulltrúa, áður tilnefndur af honum
- fulltrúi knapa, kosinn fyrir upphaf keppni af virkum keppendum

Á Íslandsmóti barna og unglunga skal fulltrúi knapa vera ækylýðsfulltrúi LH eða annar fulltrúi, áður tilnefndur af honum.

6. Skipun dómara

Dómaranefnd LH skal skipa yfirdómara og með honum hæfustu dómara sem völ er á, fyrir íþróttakeppnisgreinar eftir tillögum frá HÍDÍ. Yfirdómari dæmir ekki gangtegundir inni á hringvelli. Skipa skal yfirdómara og dómnefndir a.m.k. mánuði fyrir upphaf mótsins.

7. Ýmis ákvæði um Íslandsmót

Á Íslandsmóti fullorðinna og ungmenna er skylt að halda B-úrslit í hringvallagreinum, þ.e. keppni um 6. til 10. sæti. Á Íslandsmóti barna og unglunga er það skylda, ef skráningar eru 20 eða fleiri. Sigurvegari í B-úrslitum vinnur sér rétt til að keppa í A-úrslitum.

8. Skilyrði sem skal uppfylla

LH skal leggja lista fyrir mótshaldara yfir þau atriði og aðstöðu, sem gilda skal sem lágmarkskröfur til að halda megi Íslandsmót hverju sinni. Listi þessi skal lagður fyrir mótshaldara sem þurfa að uppfylla þau atriði sem eru á listanum áður en skrifað er undir samning um Íslandsmót.

9. Gildissvið

Reglugerð þessi gildir fyrir Íslandsmót, þar sem við á. Að öðru leiti gildir reglugerð LH um íþróttamót og keppendur.